


Bibiliya y' Abana

Ishikirije



Daniyeli M'urwobo Rw'intambwe



Yanditswe na: Edward Hughes

Amashusho ashirwamwo na:
Jonathan Hay; Alastair Paterson

Itunganywa na: Mary-Anne S.

Isobanurwa mu Kirundi na:
Manurakoze Pacifique

Yateguwe na: Biblefor Children
www.M1914.org

©2024 Bible for Children, Inc.


Uburenganzira: Murafise uburenganzira bwo kwimura canke
gusohora ku mpapuro iyi nkuru mugihe gusa mutayigurisha.

Dariyo yari umwami mushasha w'i babuloni. Yari umunyabwenge. Atoranya abantu 120 baciye ubwenge cane kugira ngo bamufashe gutwara. Aca ashiraho

abakuru batatu bo kurongora abandi. Daniyeli yari umwe muri abo batatu.




Umwami dariyo yarubaha cane daniyeli. Yari yiyumvira kumugira umutware w'ubwami bwiwe bwose.



3

Abandi batware bari bamufitiye ishari. Barondera ico bokwagiriza daniyeli kugira ngo bamuteranye n'umwami.



4

Ariko muvyobagerageje vyose, abo bakuru ntibashoboye kuronka ico bagiriza daniyeli. Daniyeli yari umwizigirwa k'umwami muvuyo yakora vyose. Kandi yari umuntu yirinda kandi aciye ubwenge, kandi muvuyo yakora vyose yama abikora neza cane.




5

Abo bakuru bari bafise ishari bari baziko hari umutego umwe gusa boshobora gutegeramwo daniyeli. Bari bazi ko kw'isi atanakimwe coshobora kubuza Daniyeli gusenga Imana ya Isirayeli.



6

Abansi ba daniyeli batangura kwiyumvira umugambi. Baca bategura itegeko rishasha kugira ngo barihe umwami aritereko umukono. Iryo tegeko ryabuza uwo ariwe wese kutagira iyindi mana asenga atari Imana ya Dariyo. Uwuzobirengako wese azotererwa m'urwobo rw'intambwe!




7

Umwami Dariyo atera umukono kw'itegeko rishasha.



8

Iryo tegeko rishasha ntiryagira ikintu na kimwe rihindura kuri Daniyeli. Abandanya akora ivyo yari amenyereye gukora. Imisi yose yafukama gatatu k'umusi, agasenga Imana ari hafi y'idirisha ryuguruye.



9

Abo bakuru bari bamufitiye ishari baca bagenda bihuta kubibarira umwami.

Umwami dariyo yategerezwa gufata daniyeli. Itegeko ryategerezwa kwubahirizwa. Daniyeli yategerezwa kwicwa. Umwami agerageza kurondera ingene yohindura iryo tegeko ariko ntiyabishobora.



10

Daniyeli acirwa urubanza rwo gutererwa m'urwobo rw'intambwe no gupfirayo. Imbere y'uko daniyeli atererwa izo ntambwe zishonje, umwami dariyo aramubwira ati: "Imana ukorera mubwizigirwa iragukiza!"



11

Umwami ntiyatora itiro iryo joro. Kare cane bukeye mugatondo, yihuta kuja kuraba muri cakinogo kirimwo intambwe.




12

Umwami dariyo arahamagara ati: "Daniyeli, mukozi w'Imana nzima, mbega Imana yawe, ukorera mubwizigirwa, yashoboye kugukiza muri izo ntambwe?" Kumbure ntiyari yiteze inyishu. Ariko Daniyeli aramwishura!




13

Daniyeli aramwishura ati: "Mwami wanje, Imana yarungitse umumarayika wayo, afunga umunwa w'intambwe, kugira ngo ntizingirire nabi! Kandi no kuri wewe, mwami wanje, ntacaha nakoze."



14

Umwami Dariyo yari yuzuye umunezero!
Aca atanga itegeko ko bakura Daniyeli
muri urwo rwobo rw'intambwe.




15

Umwami yari azi ko Imana
yakijije Daniyeli kandi ko
abansi ba daniyeli ari abansi
b'Imana. Aca ategeka ko bafata
abantu bose bamuteje umukono
kw'itegeko ribi
bakoresheje
amayeri
kandi ko baca
babaterera
intambwe.
Intambwe zica
zirabarya.



16

Umwami Dariyo yashaka ko abantu bose bamenya ko
Imana yakingiye umukozi wayo w'umwizigirwa
Daniyeli. Umwami aca yandika icete aho yasaba
abantu bose gusenga Imana nzima. Kandi umwami
aca asubiza daniyeli icubahiro ciwe no kubandanya
atwara ubwami bwiwe.



17

Daniyeli M'urwobo Rw'intambwe

Inkuru ivuye mw'Ijambo ry'Imana, Bibiliya

tuyisanga muri

Daniyeli 6

"Guhishurirwa amajambo yawe kuzana umuco,
guha abatungu ubwenge." Zaburi 119:130

18

Iherezo

Iyi nkuru ya bibiliya itubwira kuvyerekeye Imana
yacu y'igitangaza yaturemye kandi igashaka ko tuyimenya.

Imana irazi ko twakoze ibibi, arivyo yita icaha. Igihano c'icaha ni
urupfu ariko Imana iragukunda cane yarungitse umwana wayo
w'ikinege, Yesu, gupfa ku musalaba kugira ahanwe kubw, ivyaha
vyawe. Hama Yesu asubira kubaho aca agenda I muhira mw'ijuru.
Niwizera Yesu ukamusaba aguharire ivyaha vyawe, azobikora.
Azoza abe muri wewe, hama uzobana na we ibihe bidashira.

Niwizera uko ni ukuri, bwira Imana ibi:
Yesu mwiza, ndizera ko uri Imana, kandi wacitse umuntu ugapfa
kubera ivyaha vyanje, hama ubu ukaba uri muzima. Rero ingo mu
bugingo bwanje hama uharire ivyaha vyanje, kugira ngire ubugingo
bushasha, hama umunsi umwe nze mbane na we ubugingo
budashira. Mfasha kugira ndakwumvire kandi mbeho ku bwawe
nk'Umwana wawe. Amen.

Soma bibiliya hama uvugane n'Imana iminsi yose. Yohana 3:16

20

